

翰林院檢討徐鉉撰

欽定四庫全書

詞苑叢談卷七

翰林院檢討徐鉉撰

紀事二

蘇子瞻守杭時毛澤民為法曹公以眾人遇之而澤民與妓瓊芳者善秩滿辭去作惜分飛詞以贈妓云淚濕闌干花着露愁到眉峰碧聚此恨平分取更無言語空相覷細雨殘雲無意緒寂寞朝朝暮暮今夜山深處斷

外編

蘇小小者錢塘名娼也蓋南齊時人其墓或云湖曲或云江干古詞云妾乘油壁車即跨青驄馬何處結同心西陵松柏下今西陵在錢塘江之西則云江干者近是宋時司馬樞才仲初在洛下晝寢夢一美姝牽帷而歌

欽定四庫全書

曰妾本錢塘江上住花落花開不管流年度燕子銜將春色去紗窓幾陣黃梅雨才仲愛其詞因詢曲名云是黃金縷後五年才仲以蘇子瞻薦作錢唐幕官為秦少章道其事少章為續其後詞云斜插犀梳雲半吐檀板輕敲唱徹黃金縷夢斷彩雲無覓處夜涼明月生南浦明夕復夢美姝迎笑曰夙願諧矣遂與同寢自是每夕必來才仲為寮案談之咸曰公解後有蘇小小墓得無妖乎不逾年才仲得疾所乘遊舫舫湖塘舵工見才仲

定庫書
欽四全

詞苑叢談

二

清·徐鉉撰

詞苑叢談
(三)

中國書局

圖書在版編目 (C I P) 數據

詞苑叢談 / (清) 徐鉉撰. —北京: 中國書店,
2018.2

ISBN 978-7-5149-1920-2

I. ①詞… II. ①徐… III. ①詞 (文學) — 文學評論
— 中國 IV. ①I207.23

中國版本圖書館CIP數據核字(2017)第320411號

四庫全書·詞曲類

詞苑叢談

作者 清·徐鉉撰

出版發行 中國書店

地址 北京市西城區琉璃廠東街一一五號

郵編 一〇〇〇五〇

印刷 山東汶上新華印刷有限公司

開本 730毫米×1130毫米 1/16

印張 46

版次 二〇一八年二月第一版第一次印刷

書號 ISBN 978-7-5149-1920-2

定價 一六〇元 (全二冊)

詳校官助教_臣李巖

詞苑叢談

卷七至卷十二

欽定四庫全書

詞苑叢談卷七

翰林院檢討徐鉉撰

紀事二

蘇子瞻守杭時毛澤民為法曹公以衆人遇之而澤民
與妓瓊芳者善秩滿辭去作惜分飛詞以贈妓云淚濕
闌干花着露愁到眉峰碧聚此恨平分取更無言語空
相覷細雨殘雲無意緒寂寞朝朝暮暮今夜山深處斷

魂分付潮回去予瞻一日宴客聞妓歌此詞問誰所作
妓以澤民對予瞻歎曰郡僚有詞人而不及知某之罪
也折簡追回款洽數月

宋子京過繁臺街逢內家車子有褰簾者曰小宋也子
京歸遂作鷓鴣天一詞曰畫轂彫鞍狹路逢一聲腸斷
繡簾中身無彩鳳雙飛翼心有靈犀一點通金作屋玉
為籠車如流水馬游龍劉郎已恨蓬山遠更隔蓬山幾
萬重此詞傳唱都下達于禁中仁宗知之問內人第幾

車子何人呼小宋有內人自陳頃侍御宴見宣翰林學士左右內臣曰小宋也時在車子中偶見之呼一聲爾上召子京從容語及子京惶懼無地上笑曰蓬山不遠因以內人賜之

一樹春風萬萬枝嫩于金色軟于絲永豐坊裏東南角盡日無人屬阿誰此名柳枝詞相傳白傳為小蠻作也宣宗朝樂工唱之上取永豐柳兩枝植禁中白感上意又為詩云定知此後天文裏柳宿光中添兩星

陸放翁之蜀宿一驛中見題壁云玉階蟋蟀鬧清夜金井梧桐辭故枝一枕淒涼眠不得呼燈起作感秋詩詢之則驛卒女也遂納為妾方半載餘夫人逐之妾賦一詞云只知眉上愁不識愁來路窓外有芭蕉陣陣黃昏雨曉起理殘粧整頓教愁去不合畫春山依舊留愁住蘇子瞻倅杭日府僚高會湖中羣妓畢集有秀蘭者後至府僚怒其來遲云必有私事秀蘭含淚力辨子瞻亦為之解終不釋然也適榴花盛開秀蘭以一枝藉手獻

座中府僚愈怒責其不恭秀蘭進退無據子瞻乃作一曲名賀新涼云乳燕飛華屋悄無人槐陰轉午晚涼新浴手弄生綃白團扇扇手一時似玉漸困倚孤眠清熟簾外誰家推繡戶枉教人夢斷瑤臺曲又却是風敲竹石榴半吐紅巾蹙待浮花浪蕊都盡伴君幽獨穠艷一枝細看取芳心千重似束又恐被秋風驚綠若待得君來向此花前對酒不忍觸共粉淚雨簌簌令秀蘭歌以侑觴聲容絕妙府僚大悅劇飲而罷

謝希孟陸象山門人也少豪俊與妓陸氏狎象山責之
希孟但敬謝而已他日復為妓造鴛鴦樓象山又以為
言希孟謝曰非特建樓且為作記象山喜其文不覺曰
樓記云何即占首句云自遜抗機雲之死而天地英靈
之氣不鍾于男子而鍾于婦人象山默然知其侮也一
日希孟在妓所恍然有悟忽起歸興不告而行妓追送
江滸悲戀而啼希孟毅然取領巾書一詞與之云雙漿
浪花平夾岸青山鎖你自歸家我自歸說着如何過我

斷不思量你莫思量我將你從前與我心付與他人呵

孫巨源

洙

元豐間為翰苑與李端愿太尉往來尤數會

一日鎖院宣召者至其家則出數十輩蹤跡得之于李

氏時李新納妾能琵琶孫飲不肯去而迫于宣命入院

幾二鼓矣草三制罷作菩薩蠻詞寄恨遲明遣示李詞

云樓頭尚有三通鼓何須抵死催人去上馬苦匆匆琵琶

琶曲未終回頭凝望處那更廉纖雨謾道玉為堂玉堂

今夜長

南游紀聞云李邦直在坐頗以卒章非佳語巨源是夕得疾于玉堂後亦同卒

夏子喬疎慶厯間所謂一不肖者然文章有名于世景

德中水殿按舞時疎翰林內直上遣中使取新詞疎援
毫立成喜遷鶯令以進曰霞散綺月垂鈎簾捲未央樓
夜涼銀漢截天流宮闕鎖清秋瑤臺樹金莖露鳳髓香
盤煙霧三千珠翠擁宸遊水殿按涼州上覽之大蒙稱
獎

太守閭丘公顯致仕居姑蘇坡公飲其家出後房佐酒
有懿卿者善吹笛公賦水龍吟贈之曰楚山修竹如雲

異材秀出于林表龍鬚半剪鳳膺微漲玉肌勻繞木落
淮南雨晴雲夢月明風裊自中郎不見桓伊去後知辜
負秋多少聞道嶺南太守後堂深綠珠嬌小綺窓學弄
梁州初遍霓裳未了嚼徵含宮泛商流羽一聲雲杪為
使君洗盡蠻風瘴雨作霜天曉

宋有陳襲善者遊錢塘與營妓周子文狎挾之遍歷湖
山後襲善去為河朔掾宿奉高驛夢子文褰幃嚔蹙挽
之不可冉冉悲啼而沒久之得故人書云子文死矣按

其日則宿奉高驛時也既歸遊鷺嶺作漁家傲以寄情
云鷺嶺峰前欄獨倚愁眉促損愁腸碎紅粉佳人傷別
袂情何已登山臨水年年是常記同來今獨至孤舟晚
颺湖光裏衰草斜陽無限意誰與寄西湖水是相思淚
皇祐中呂夷簡致仕仁宗因問卿去誰可代者夷簡乃
薦陳堯佐上遂召還大拜呂生日陳攜酒過之作踏莎
行詞曰二社良辰千家庭院翩翩又覩雙飛燕鳳凰巢
穩許為鄰瀟湘煙暝來何晚亂入紅樓低飛綠岸畫梁

輕拂歌塵轉為誰歸去為誰來主人恩重珠簾捲呂笑
曰只恐捲簾人已老陳曰但得公老于廊廟莫愁調鼎
事無功二老相推何等蘊藉

朝雲者姓王氏錢塘名妓也蘇子瞻宦錢塘絕愛幸之
納為侍妾朝雲初不識字既事子瞻遂學書麤有楷法
又學佛亦通大義子瞻貶惠州家妓多散去獨朝雲依
依嶺外子瞻甚憐之贈之詩云不似楊枝別樂天恰如
通德伴伶元阿奴絡秀不同老天女維摩總解禪經卷

藥爐新活計舞衫歌扇舊因緣丹成逐我三山去不作
陽臺雲雨仙未幾朝雲病且死誦金剛經四句偈而絕
葵惠州棲禪寺松下予瞻作詠梅西江月以悼之云玉
骨那愁瘴霧冰肌自有僊風海仙時過採芳叢倒挂綠
毛么鳳素面翻嫌粉浣洗粧不褪脣紅高情已逐曉雲
空不與梨花同夢

柳永為屯田員外郎會太史奏老人星見時秋霽宴禁
中仁宗命左右詞臣為樂章內侍屬柳應制柳方冀進

用作醉蓬萊詞呈上云漸亭臯葉下隴首雲飛素秋初
霽華闕中天鎖葱葱佳氣嫩菊黃深拒霜紅淺近寶階
香砌玉宇無塵金莖有露碧天如水正值昇平萬幾多
暇夜色澄鮮漏聲迢遞南極星中有老人呈瑞此際宸
遊鳳輦何處度管絃聲脆太液波翻披香簾捲月明風
細上見首有漸字色若不憚讀至宸遊鳳輦何處乃與
御製真宗挽詞暗合上慘然又讀至太液波翻曰何不
言波澄投之于地自此不復擢用菊莊曰柳七此遇與